

Tyrannicidio merito ab Episcopo Parisino Gerardo de Montaigu condemnatas fuisse. Initium est: *Supponitur quod Judicium super IX. assertionibus et qualificationibus earum pendet coram hoc sacro Concilio. &c. Johannem Gersonem in Concilio contra Episcopum Atrabatensem Parvi* fautorem stetit docent *Acta* apud Herm. von der Hardt T. IV. P. 8. p. 724. et Bulaeus in *Hist. Univ. Paris.* T. V. a p. 120. Quid si igitur Scriptum istud, quod ineditum putem, illi adtribuatur?

III. fol. 275. *Traëtatus Cancell. parys.* (Joh. Gersonis) *de potestate ecclesiastica.* Initium praemisso *Probemio* five Summariis XIII. Considerationum est: *Potestas ecclesiastica debet ab ecclesiasticis quid. qualis. et quanta sit agnosci &c.* Extat *Opp. omn.* edit. dictae *Antverp.* T. II. P. 2. col. 225. In *Cod.* nostro subscribitur: *Hic traëtatus scriptus est seu compositus in Concilio generali Constancien. per R. M. Johannem de jersano Cancellarium parysiensem Anno domini M^o CCCC^o decimo septimo.* Hanc subscriptionem excipit *Arbor de origine Juris*, sed non integra, nec praemissis illis III. *Conclusionibus*, quae in editis comparent.

IV. fol. 290. p. 2. *Sequitur Traëtatus bonus de sacerdocio et regno.* Initium: *Interdum contingit quod vitare volens errorem aliquem dilabitur in errorem contrarium &c.* Traëtatus hic alias inscriptus *de Potestate regia et populi*, quo limites utriusque Po-

testatis exacte defiguntur, et Curialistarum argumenta solvuntur, est *Johannis O. P.* dicti jam *Parisiensis*, jam *Quidort*, alias *Surdi*, vel etiam alicubi *de Poliaco*, sed abs re, et lucem vidit primo *Parisiis* 1506. 4. ut testatur *Quetifus in Scriptt. O. P. T. I.* p. 501. dein in *Schardii Syntagm. de Imp. Jurisdic.* tam *Basileae* 1566. quam *Argent.* 1609. f. pagg. 142. et 113. V. fol. 319. p. 2. absque inscriptione: *Oblaturus iuxta seniorum huius sacri Concilii Constan. monitionem generalem &c.* Est *Traëtatus Joh. Gersonis* contra necessitatem *Communions* sub utraque specie, qui pluribus *Codd.* occurret, nihilque hic ab iis diversum offert.

CVIII. VIII A 13.

Codex membraneus lat. Sec. 47 XV. Folior. nunc 205. f. max. per duas columnas perquam eleganter scriptus, literis initialibus auro, coloribusque illis continet *Thomae Aquinatis Catenam auream*, seu, ut ipse inscripsit, *Continuum in Lucae Evangelium*, ex PP. dictis eo artificio connexum, ut, si autorum nomina, unde interpretatio sumta est, demas, unius videatur esse lucubratio, ut observat *Possevinus* in *Appar. sacro.* Textus evangelicus caractere unciali, Commentarius minori exaratus est. Deest vero, si Codicem hunc cum Editione principe *Romae per Contr. Schweinbeim et Arn. Pannarz MCCCCLXX.* f. compares, folium

lium integrum cum 9. lineis, primaque nobis verba sunt: *esse potuerunt. audire opus habebant &c.* Turcicae hoc calamitatis vestigium puta. Pertinuit enim volumen istud ad splendidissimam *Matthiae Corvini* Bibliothecam, ut testantur *Insignia Regis* Operimento exterius impressa, et *fol. ult. aversi* nota hujus tenoris: *Liber reductus ex Constantinopoli Viennam Mense Octob. anno Do. M. D. LVII. per Reverendum Do. Episcopum Quinqueecclesiensem Do. Anthonium Vrancium, Oratorem Regium, qui fuit antea ex Bibliotheca Buden. inuictiss. Regis Mathie Hungarie. per Turchas ablatas, anno Domini M. D. XXVI. profligato Rege Ludouico in Campo Mohachien. De Ant. hoc Verantio s. Werantio, quem Ferdinandus I. an. MDLII. ad Solymannum delegerat, adi Alex. Horanyi Memoriae Hungaror. P. III. Pofon. 1777. p. 495. 8. Ut vero ad Codicem redeamus, hac ille terminatur clausula: *Honor trinitati. Per me Henricum Amstelredammis. alias Sença paura. Anno domini. M^o. CCCC^o. LXVIII^o.* itaque biennio ante primam editionem absolutus. An Calligraphus hic *Henricus* ille de *Amsterdamis* fuerit Theologiae professor, cujus extat *Oratio funebris in Fridericum Victoriosifs. Bavarie Ducem Argentine* 1488. et iterum 1497. per *Job. Gruninger* 4. impressa, definire non ausim. De integro *Thomae Aq.* in omnes IV. Evangelistas Opere egi*

in *Merkwürdigkeiten der gävell. Biblioth. Vindob. 1780. p. 87. 4.*

CIX.

Codex membraneus lat. Sec. ¹²⁷ *nunc VI* ^C saltem X. Folior. nunc 157. f. formae pene quadratae, per duas columnas eleganter et castigatae scriptus, rubroque sub initia distinctus complectitur *Sedulii junioris Scoti Catenam* five *Collectanea* ex PP. Sententiis et dictis in *Evangelium S. Matthaei* *avex-dora. Sedulium* hunc, Presbyterum, an Episcopum? a duobus *Seduliis* antiquioribus, *Poeta* scilicet et *Episcopo* Sec. IX. Britanico distinguendum *Hepidannus S. Galli* Monachus in *Annalibus* brevibus ab *Andr. Quercetano* T. III. *Scriptt. Franc.* et a *Melch. Goldasto* T. I. *Alaman.* editis ad an. 818. claruisse adfirmat. Confer, si lubet, *Phil. Labbeum* T. II. de *Scriptt. Eccl.* p. 324. *Oudinum* T. II. p. 26. *Fabricium* v. *Sedulius, Thomae Tanneri* *Bibl. Brit.* p. 660. Initium Codici eximio dant instar *περολεγόμενων* *Excerpta* ex *Augustini Indiculo* et *Libro de Consensu Evangelistarum* in septem velut Capita tributa miniatis hisce titulis: I. *De Numero Euangeliorum et Euangelistarum.* II. *De Ordine Euangelistarum.* III. *De eo quod non IIII. Apostoli Euangelium conscripserunt.* IV. *De Prefiguratione IIII. Euangeliorum et Euangelistarum.* V. *De Laude Euangelii, deque ipsius nomine.* VI. *De Persona et Causa, Tempore quoque et Loco*